

ՀԱՐՈՒԹՅՈՒՆ ԱՐՏԱՇԵՍԻ ՄԱՐՏԻՐՈՍՅԱՆ

56 տարեկան հասակում, ստեղծագործական ուժերի ծաղկման շրջանում, ս. թ. հուլիսի 28-ին հանկարծամահ եղավ Սովետական Հայաստանի խոշոր հնագետներից մեկը, պատմական գիտությունների դոկտոր, պրոֆեսոր, ՀՍՍՀ ԳԱ հնագիտության և ազգագրության ինստիտուտի վաղ հնագիտության բաժնի վարիչ Հարություն Արտաշեսի Մարտիրոսյանը:



Հ. Մարտիրոսյանը ծնվել է 1891 թ. մայիսի 1-ին լենինականում, բանաստեղծ Արտաշես Տեր-Մարտիրոսյանի ընտանիքում: 1938—1941 թվականներին սովորել է Երևանի պետական համալսարանի պատմության ֆակուլտետում: Հայրենական մեծ պատերազմի սկզբին, կիսատ թողնելով ուսումը, նա մեկնում է զործող քանակ և ակտիվորեն մասնակցում մարտական գործողություններին: Հայրենական մեծ պատերազմից հետո ավարտելով համալսարանը Հ. Մարտիրոսյանը ընդունվում է ասպիրանտուրա (1948) և լենինգրադում ուսանում սովետական ականավոր հնագետ ակադ. Բ. Բ. Պիոտրովսկու ղեկավարությամբ: 1951 թ. նա հաջողությամբ պաշտպանում է Անդրկովկասի մշակույթի մ. թ. ա. 7—6-րդ դդ. թեմայով

թեկնածուական դիսերտացիան, իսկ 1965 թ. «Հայաստանը բրոնզի և վաղ երկաթի դարաշրջանում» թեմայով դոկտորական դիսերտացիան:

Հ. Մարտիրոսյանն անցել է գիտական բեղմնավոր ուղի: 1950 թ. սկսած նա պեղումներ է կատարել Գոլովինոյում, Կարմիր բլուրում, Գառնիում, Արմավիրում, հետախուզական աշխատանքներ է ծավարել լենինականում, Գեղարոտում և այլուր: 1968 թ. նա ղեկավարում էր ուրարտական Արգիշտիխիի քաղաքի պեղումները, իսկ 1960 թ.՝ Գեղամա լեռների ժայռապատկերների ուսումնասիրության աշխատանքները: Տաղանդավոր հնագետի գրչին են պատկանում հարյուրից ավելի գիտական աշխատություններ, որոնցից շուրջ տասը մեծագրություններ են:

1951 թ. լույս է տեսնում Հ. Մարտիրոսյանի «Գոլովինոյի պեղումները» աշխատությունը, որում առաջին անգամ հատուկ ուսումնասիրության թեմա է դառնում մ. թ. ա. VII—VI դդ. Սովետական Հայաստանի տարածքի վրա ապրող ցեղերի մշակույթը: Հասուն, բազմակողմանի զարգացած հնագետի մտքի արգասիքներից են «Թելլեբախի քաղաքը» (1961) և «Արգիշտիխիի» (1974) աշխատությունները՝ ներկրված ուրարտական քաղաքների ուսումնասիրությանը: Դրանք մի նոր փուլ են նշանավորում Հայկական լեռնաշխարհի հեռավոր բնակիչների արտադրական գործունեության, կենցաղի ու մշակույթի ուսումնասիրության պատմության մեջ: Կովկասագիտության մարզում լուրջ ավանդ էր Հ. Մարտիրոսյանի «Հայաստանը բրոնզի և վաղ երկաթի դարաշրջանում» կապիտալ աշխատությունը (1964), ներկրված տեղաբնիկների շուրջ երեք հազարամյա (մ. թ. ա. III—I հազ.) նյութական մշակույթի ժամանակագրությանը Պրոֆ. Հ. Մարտիրոսյանը հեղինակներից և խմբագիրներից մեկն էր «Հայ ժողովրդի պատմություն» բազմահատոր աշխատության առաջին հատորի: Նրա գրչին են պատկանում նաև «Ուշ բրոնզի շրջանի բնակավայրերն ու դամբարանները», «Գեղամա լեռների ժայռապատկերները», «Հայաստանի նախնադարյան նշանագրերը» աշխատությունները:

Հ. Մարտիրոսյանի հետազոտությունները կարևոր ներդրում են Հայաստանի և Անդրկովկաս-

սի հնագույն մշակույթի, Ուրարտուի պատմության ուսումնասիրության, ինչպես նաև հնագույն դարաշրջանների գիտական պարբերական, դրանց պոքիայ-տնտեսական իմաստավորման և հին Արևելքի ժողովուրդների հետ Հայկական լեռնաշխարհի ու Կովկասի հնամենի ցեղերի ունեցած բազմապիսի փոխհարաբերությունների հետազոտման ասպարեզում:

Անխոնջ հնագետը լի էր ստեղծագործական մեծ եռանդով, նորանոր մտահղացումներով ու ծրագրերով: Մահվանից ընդամենը մի քանի ամիս առաջ նա ավարտեց և հրատարակության հանձնեց «Գեղամա լեռների ժայռապատկերներ»

ընդ հնագիտական ժողովածուի երկրորդ հատորը և «Գիտությունն սկսվում է նախնադարից» գիտահանրամատչելի աշխատությունը: 2. Մարտիրոսյանի մահը մեծ և անդառնալի կորուստ է հայագիտության և կովկասագիտության համար ընդհանրապես:

Տաղանդավոր հնագետի, ազնիվ քաղաքացու և անզուգական ընկերոջ պայծառ հիշատակը վառ կմնա բոլոր նրան ճանաչողների սրտերում:

ԷՄՄԱ ԽԱՆՋԱԴՅԱՆ
Պատմական գիտությունների թեկնածու